



# SLUŽBENI GLASNIK UNSKO-SANSKOG KANTONA

|                      |                            |                                |
|----------------------|----------------------------|--------------------------------|
| Godina XIII - Broj 1 | 5. februara 2009.<br>BIHAĆ | Izdanje na bosanskom<br>jeziku |
|----------------------|----------------------------|--------------------------------|

## 1.

Na osnovu člana 11.b) odjeljka A, poglavља V. Ustava Unsko-sanskog kantona – prečišćeni tekst (“Službeni glasnik Unsko-sanskog kantona”, broj 1/04, 11/04), Skupština Unsko-sanskog kantona, na 31. sjednici održanoj dana 23.1.2009. godine, donosi

## ZAKON O IZMJENAMA I DOPUNAMA ZAKONA O DOPUNSKIM PRAVIMA BRANILACA I ČLANOVA NJIHOVIH PORODICA

### Član 1.

U Zakonu o dopunskim pravima branilaca i članova njihovih porodica (“Službeni glasnik Unsko-sanskog kantona”, broj 3/05), u članu 1. iza riječi “lica zasluznih u odbrambeno-oslobodilačkom ratu” dodaju se riječi “demobiliziranih branilaca”.

### Član 2.

U članu 2. stav 1, 2, 3, 4. i 5. u potpunosti se brišu i dodaju novi koji glase:

“Demobiliziranim braniocem, u smislu ovog Zakona, smatra se pripadnik Armije Republike Bosne i Hercegovine, Hrvatskog vijeća odbrane i policije nadležnog organa unutrašnjih poslova (u daljem tekstu: oružane snage) koji je učestvovao u odbrani Bosne i Hercegovine (početak agresije na općinu Ravno) od 18.9.1991. godine do 23.12.1996. godine, odnosno do prestanka neposredne ratne opasnosti, i koji je demobiliziran rješenjem nadležnog vojnog organa, kao i lice koje je učestvovalo u pripremi za odbranu i u odbrani Bosne i Hercegovine u periodu prije 18.9.1991.godine, a koje je angažirano od nadležnih organa.”

“Pod učešćem u odbrani Bosne i Hercegovine, u smislu stava 1. ovog člana, smatra se učešće u oružanom otporu i djelovanje koje je u direktnoj vezi sa pružanjem otpora, a da nije dezertirao u toku i nakon ovog perioda.”

“Dobrovoljcem u organiziranju otpora, u smislu ovog Zakona, smatra se pripadnik vojnih i policijskih jedinica koji je učestvovao u pripremi za odbranu i u odbrani Bosne i Hercegovine u periodu od 18.9.1991. do 19.6.1992. godine, kao i drugo lice koje nije bilo vojni obveznik u vrijeme dobrovoljnog stupanja u oružane snage i ostalo

neprekidno u jedinicama do kraja rata ili je ranije demobilizirano od vojnog organa.”

“Veteranom, u smislu ovog Zakona, podrazumijeva se lice koje je stupilo u jedinice oružanih snaga u periodu od 19.6.1992. godine do kraja 1992. godine i ostalo neprekidno do 23.12.1995. godine, ili je ranije demobilizirano od nadležnog vojnog organa, ali ne na lični zahtjev.”

Stav 6. istog člana postaje stav 5., stav 7. postaje stav 6., stav 8. postaje stav 7., a stav 9. postaje stav 8. i u istom iza riječi “zatočeno” dodaju se nove riječi “a potom u neprijateljskom logoru provelo najmanje tri dana (72 sata).”

Stav 10. postaje stav 9. i u potpunosti se mijenja i glasi:

“Dobitnik ratnog priznanja ili odlikovanja, u smislu ovog Zakona, smatra se državljanin Bosne i Hercegovine koji je u periodu iz stava 1. ovog člana više puta iskazao ličnu hrabrost, požrtvovanost i lični doprinos u borbi za odbranu i oslobođanje Bosne i Hercegovine, odnosno koji se naročito istakao u oružanom suprotstavljanju agresoru ili koji je doprinio proširenju slobodnih dijelova Bosne i Hercegovine, pa mu je u skladu sa propisima dodijeljeno ratno priznanje ili odlikovanje:

Značka 'Zlatni ljiljan'

Orden slobode

Orden heroja oslobodilačkog rata

Orden oslobođenja

Orden zlatnog grba sa mačevima

Orden zlatnog ljiljana sa zlatnim vijencem

Orden zlatnog ljiljana sa srebrenim vijencem

Medalja za hrabrost

Medalja pobjede

Medalja otpora

Medalja za vojne zasluge

Policjska medalja za hrabrost

Zlatna policijska značka – zvijezda

Srebrena policijska zvijezda

Srebreni štit

Red hrvatskog trolista

Red bana Jelačića

Red Nikole Šubića Zrinjskog

Red kneza Domagoja s ogrlicom

Red hrvatskog pletera

kao i članovi porodica poginulog, umrlog ili nestalog dobitnika ratnog priznanja ili odlikovanja.”

U stavu 11. brišu se riječi “i članova njihovih porodica”, a dodaju riječi “kao i članova porodica lica iz člana 2. ovog Zakona”.

Dodaju se novi stavovi 12. i 13. koji glase:

“Članovi porodice demobiliziranog borca, u smislu ovog Zakona, su:

1. bračni partner

2. djeca rođena u braku i van braka, usvojena djeca, te pastorčad koja žive u zajedničkom domaćinstvu sa demobiliziranim braniocem do navršene 15. godine života, odnosno ako su na školovanju do kraja trajanja redovnog školovanja, a najkasnije do 26. godine života.”

Stav 13. glasi:

“Shodno Općem okvirnom sporazumu za mir u Bosni i Hercegovini, pripadnici tzv. Narodne odbrane Autonomne pokrajine zapadna Bosna ne smatraju se braniocima u smislu ovog Zakona i njihova prava, kao i prava članova njihovih porodica, uređuju se Zakonom o osnovama socijalne zaštite, zaštite civilnih žrtava rata i zaštite porodice sa djecom, kao i kantonalnim zakonom o socijalnoj zaštiti civilnih žrtava rata i zaštitu porodica sa djecom (“Službene novine Federacije Bosne i Hercegovine”, br. 36/99, 54/05 i 39/06).”

### Član 3.

U članu 4. iza riječi “Zakona” brišu se riječi “izuzev ratnih vojnih invalida i članova šehidskih porodica – porodica poginulih boraca – branilaca i porodice umrlog vojnog invalida”.

### Član 4.

U članu 5. iza tačke 21. dodaje se novi stav koji glasi:

“Dobitnici ratnih priznanja i odlikovanja imaju prioritet pod jednakim uslovima iz stava 1. tačka 5, 6, 7, 8, 12, 13 i 16.” u okviru boračke kategorije kojoj pripadaju (demobilizirani borac, ratni vojni

invalid, članovi porodice piginulog, umrlog ili nestalog borca), kao i prava iz stava 1. tačaka 5, 6, 7 i 8. i to u slučajevima kada nisu iskoristili pravo po osnovu Uredbe o sticanju prava na starosnu penziju pod povoljnijim uvjetima pripadnika bivše vojske Federacije Bosne i Hercegovine i državnih službenika i namještenika bivšeg Federalnog ministarstva odbrane.”

Prava iz ovog člana tačke 5, 6, 7. i 8. ostvaruju lica iz člana 2. ovog Zakona i to u slučajevima kada nisu iskoristili pravo na penziju (Zakon o PIO/MIO, Zakon o pravima branilaca i članova njihovih porodica, Zakon o pravima demobiliziranih branilaca i članova njihovih porodica, te Uredba o sticanju prava na starosnu penziju pod povoljnijim uvjetima i sve izmjene i dopune iste).

### **Član 5.**

U članu 6. dodaje se novi stav 4. koji glasi:

“Ratni vojni invalidi se oslobođaju od plaćanja godišnjih premija osiguranja, a u skladu sa članom 8. ovog Zakona.”

### **Član 6.**

U članu 11. stav 2. brišu se riječi “koji su korisnici prava na dodatak za njegu i pomoć od strane drugog lica”.

### **Član 7.**

U članu 15. Zakona briše se riječ “nezaposlen”.

### **Član 8.**

U članu 22. stav 2. brišu se riječi “ratnog vojnog invalida”, a dopisuju riječi “kao i članovima uže porodice lica iz člana 2. ovog Zakona.”

### **Član 9.**

U članu 24. stava 1. iza riječi “propisima” dodaje se riječ “nezaposlena”.

U stavu 2. ispred riječi “iz člana istog člana 2.” dodaje se riječ “nezaposlena lica”.

U članu 24. dodaje se stav 3. i glasi:

“Lica iz člana 2. ovog Zakona koja se školuju u obrazovnim institucijama van Unsko-sanskog

kantona, a čijih zanimanjâ i strukâ nema u okviru obrazovnih ustanova na području Unsko-sanskog kantona, ostvaruju pravo na naknadu sredstava upisa u tim ustanovama u okviru odobrenih budžetskih sredstava za te namjene.”

### **Član 10.**

U članu 27. dodaje se stav 2. i glasi:

“Izuzetno od odredaba stava 1. ovog člana, pravo mogu ostvariti i lica iz člana 2. ovog Zakona koja imaju neadekvatno riješeno stambeno pitanje (starost, trošnost, dotrajalost stambenog objekta i sl.) pod uslovima da je ovakvo stanje utvrđeno od strane komisije koju imenuje Direktor J.U. Kantonalni fond za pomoć u stambenom zbrinjavanju porodica šehida i poginulih boraca, ratnih vojnih invalida, demobilisanih boraca, prognanih osoba i socijalno ugroženih kategorija.”

### **Član 11.**

U članu 28. dodaje se nova tačka 10. koja glasi:

“Naknade za izgradnju atomskog skloništa”, tačka 10. postaje tačka 11. i tačka 11. postaje tačka 12.

Alineje člana 28. razvrstavaju se: umjesto 2 postaju 3, tako da se alineja 2. završava riječima “u budžetu općina”, a alineja 3. počinje riječima “Lokacija građevinskog zemljišta”.

### **Član 12.**

Član 34. u potpunosti se mijenja i glasi:

“Lica iz člana 2. ovog Zakona oslobođaju se plaćanja naknada i taksa navedenih u članu 27. i 28. ovog Zakona za izgradnju porodične stambene zgrade za vlastite potrebe neto građevinske površine do 200 m<sup>2</sup> kada prvi put rješavaju svoje stambeno pitanje, pod uslovom da snose eventualne troškove rješavanja imovinsko-pravnih odnosa koji nisu izmireni i o svom trošku izvrše opremanje građevinskog zemljišta prema uslovima iz građevinske dozvole – rješenja, pod nadzorom nadležne općinske službe za upravu.

Ostvarivanje prava iz stava 1. ovog člana odnosi se i na djecu poginulih branilaca, bez obzira na godine starosti.

Lica iz člana 2. ovog Zakona oslobađaju se plaćanja naknada iz stava 2. i 3. člana 28. i za stambene objekte kolektivnog stanovanja.

Odredbe iz stava 1. ovog člana odnose se i na dogradnju, nadzidivanje, preuređenje krovišta i potkrovlja, pretvaranja zajedničkih prostorija i rekonstrukciju kojom se povećava dosadašnja površina do 200 m<sup>2</sup> neto površine.”

### **Član 13.**

U članu 35. broj “100” zamjenjuje se brojem “150”.

### **Član 14.**

U članu 41. broj “38.” zamjenjuje se brojem “39.”.

### **Član 15.**

U članu 42. broj “38.” se briše i dopisuju brojevi “39. i 40.”

### **Član 16.**

U članu 44. iza stava 3. dodaje se novi stav koji glasi:

“Dobitnici ratnih priznanja i odlikovanja nakon smrti ostvaruju pravo na podizanje nišana, odnosno nadgrobnog spomenika u visini i dinamici isplate koju utvrdi Ministarstvo.”

### **Član 17.**

U članu 45. stav 2. se u potpunosti briše.

### **Član 18.**

Član 48. se u potpunosti mijenja i glasi:

“Lica iz člana 2. ovog Zakona koja imaju dozvolu za upravljanje motornim vozilom ostvaruju pravo na troškove prilagođavanja motornog vozila za potrebe upravljanja istim pod uslovom da su od nadležne ljekarske komisije ocijenjeni kao lica koja su sposobna za upravljanje motornim vozilom uz prilagodbe istih svakih pet godina.

Ostvarivanje prava iz prethodnog stava se odnosi na lica iz člana 2. stav 5. ovog Zakona (ratni vojni invalidi) koja su pod uslovima, okolnostima i periodu iz stava 1. člana 2. zadobila ranu,

povredu, bolest ili pogoršanje bolesti, pa je zbog toga nastupilo oštećenje njihovog organizma.”

### **Član 19.**

U članu 50. iza broja “25” dodaje se i broj “28” tačke 10.

### **Član 20.**

U članu 52. riječi “nasljedivati niti” se brišu.

### **Član 21.**

“Lica iz člana 2. ovog Zakona ostvaruju sva prava pod jednakim uslovima, a općine su dužne svoje propise uskladiti sa ovim Zakonom u roku od 60 dana od dana objavljivanja.”

### **Član 22.**

U odjeljku VI dodaje se novi član 57. koji glasi:

“Novčanom kaznom u iznosu od 8.000,00 KM do 15.000,00 KM kaznit će se za prekršaj kanton, grad, općina i druge institucije, javna preduzeća i druga pravna lica koja ne izvršavaju obaveze iz člana 28. Zakona o dopunskim pravima branilaca i članova njihovih porodica, koje svaki od tih organa ima u odnosu na izvršavanje ovog Zakona.

Novčanom kaznom u iznosu od 3.000,00 KM do 8.000,00 KM za povrede ostalih odredaba ovog Zakona kaznit će se za prekršaj kanton, grad, općina i druge institucije, javna preduzeća i druga pravna lica koja ne izvršavaju obaveze, koje svaki od tih organa ima u odnosu na izvršavanje Zakona o dopunskim pravima branilaca i članova njihovih porodica.

Novčanom kaznom u iznosu od 2.000,00 KM do 3.000,00 KM kaznit će se za prekršaj odgovorno lice koje ne izvršava obaveze po ovom Zakonu, a u čiju nadležnost spada izvršavanje ovog Zakona.”

Dosadašnji članovi se pomjeraju, tako da:

Član 57. postaje član 58.

Član 58. postaje član 59.

Član 59. postaje član 60.

Član 60. postaje član 61.

Član 61. postaje član 62.

**Član 23.**

Ovaj Zakon stupa na snagu osam dana od dana objavlјivanja u "Službenom glasniku Unsko-sanskog kantona".

Broj 01/1-02-1-289/09  
23. januara 2009. godine  
B i h a c

Predsjedavajući Skupštine  
Unsko-sanskog kantona  
**Admir Hadžipašić, dipl. iur.**

---

**2.**

Na osnovi člana 11. n) A poglavља V A Ustava Unsko-sanskog kantona – prečišćeni tekst ("Službeni glasnik Unsko-sanskog kantona", broj 1/04 i 11/04), a u vezi sa članom 40. Zakona o dugu, zaduživanju i garancijama u Federaciji Bosne i Hercegovine ("Sl. novine FBiH", broj 86/07), Skupština Unsko-sanskog kantona, na prijedlog Vlade Unsko-sankog kantona, na 31. sjednici održanoj 23.1.2009. godine, donijela je

**ODLUKU**

**O DAVANJU SAGLASNOSTI NA  
KREDITNO ZADUŽENJE UNSKO-  
-SANSKOG KANTONA PREMA  
FEDERACIJI BOSNE I HERCEGOVINE  
ZA KREDIT EXPORT-IMPORT  
BANKE KOREJE ZA PROJEKT  
MODERNIZACIJE BOLNICA U BOSNI I  
HERCEGOVINI – FAZA II**

**I**

Daje se saglasnost na zaduženje Unsko-sanskog kantona prema Federaciji Bosne i Hercegovine po kreditu Export-import banke Koreje za Projekt modernizacije bolnica u Bosni i Hercegovini – Faza II, u iznosu u korejskim vonima koji ne prelaze ekvivalent od 3.100.000,00 USD (tri miliona i sto hiljada američkih dolara).

**II**

Za potpisivanje posebnog ugovora o prenosu kreditnih sredstava po Projektu između Federacije BiH i Unsko-sanskog kantona (u daljem tekstu: Kantona) ovlašćuje se ministar finansija Unsko-sankog kantona.

**III**

Kreditna sredstva namijenjena su za nabavku medicinske opreme i rezervnih dijelova radi modernizacije Kantonalne bolnice "Dr. Irfan Ljubijankić", uvođenja novih vrsta medicinskih usluga i povećanja kvaliteta pružanja medicinske zaštite.

**IV**

Kreditna sredstva odobravaju se Kantonu po slijedećim uslovima:

Rok otplate – 22 godine, uključujući grace period,

Grace period – 5 godina,

Kamatna stopa – 1,5% godišnje,

Dospijeća – polugodišnja,

Valuta povlačenja i vraćanja kredita – korejski von (Korean Won)

Naknada banke – jednokratno 0,1% na iznos svake isplate po kreditu,

Iz kreditnih sredstava ne mogu se plaćati carine, porezi i druge dažbine.

**V**

U svrhu redovne otplate kredita, Kanton je saglasan da se Federacija Bosne i Hercegovine, u slučaju neispunjavanja obaveza preuzetih ugovorom iz tačke 2. ove Odluke, po prethodnom upozorenju, direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Kantonu.

**VI**

Projekt će implementirati Federalno ministarstvo zdravstva u periodu od 24 mjeseca od dana stupanja na snagu Kreditnog sporazuma iz tačke III ove Odluke.

**VII**

Za realizaciju ove Odluke zadužuje se Ministarstvo finansija i Ministarstvo zdravstva i socijalne politike Unsko-sanskog kantona i Kantonalna bolnica "Dr. Irfan Ljubijankić", svako u okviru svojih nadležnosti.